

Den Edlen / Ehrnvesten / Fürsichti-
gen / Ehrsamem / vnd wolweisen Herrn / Bürger-
maistern vnd Rath des H. Reichsstat Rotenburg
auff der Tauber / meinem sonderß großgünsti-
gen lieben Herrn vnd Patronen:



Die Ehrnveste / Fürsichtige / Ehr-
same vnd wolweise / insonders
großgünstige liebe Herrn vnd Pa-
tronen:

Der hochweise Philosophus
Aristoteles als der scharpffsin-
nigste Erkündiger natürlicher Din-
ge / vergleicht die menschliche ver-
nunfft einer vngemahlten reinen vnd unbesleckten Tafeln.
Damit zeigt er an vnd gibt zu verstehen / daß gemelte Ver-
nunfft / alles erkantnus vnd rechten verstands mangel vnd
bloß / aber wol geschickt seye zu empfahen alles das jenige /
was auß solcher Vernunfft durch vergleichnus vnd gute
ursach geschlossen werden möge.

Dieser opinion vnd meynung seind auch der mehrer theil
der Philosophen. So wir aber die grosse vnaußsprechliche
weißheit Gottes / vnd erste Erschaffung (so viel vns auß
Gottes Wort vnd Menschlichem verstande möglich) mit fleiß
observiern vnd betrachten / lest es sich nicht al-
lein ansehen / sondern ist auß heyliger vnd andern Schrifften
vnwidersprechlich zuerweisen: Daß der allmächtige vnd
allerweiseste Gott / nach dem durch den Fall vnserer ersten
Eltern / die erkantnus der substanz / fast ganz verdunckele
vnd abgethan / die Wissenschaft der Quantitet, als ein
funcklein der ersten Perfection, das ist / wie im Buch der